



官常典第四百十五卷

太醫院部彙考

周

凡邦之有疾病者有疔瘍者造焉則使醫分而治之

注 疔頭瘍亦謂禿也身傷曰瘍分之者醫各

二人下士四人府二人史二人徒二十人

注 醫師衆醫之長

醫師掌醫之政令聚毒藥以共醫事

注 毒藥藥之辛苦者藥之物恆多毒孟子曰若藥不瞑眩厥

疾不瘳

凡邦之有疾病者有疔瘍者造焉則使醫分而治之

注 疔頭瘍亦謂禿也身傷曰瘍分之者醫各

有能

歲終則稽其醫事以制其食十全爲上十失一次之十失二次之十失三次之十失四爲下

注 食

祿也全猶愈也以失四爲下者五則半矣或不治自愈

食醫中士二人

注 食有和齊藥之類

食醫掌和王之六食六飲六膳百羞百醬八珍之齊

注和調也

凡食齊眠春時

注飯宜溫

羹齊眠夏時

注羹宜熱

醬齊眠秋時

注醬宜涼

飲齊眠冬時

注飲宜寒

凡和春多酸夏多苦秋多辛冬多鹹調以滑甘

注

各尙其時味而甘以成之猶水火金木之載於

土

凡會膳食之宜牛宜稌羊宜黍豕宜稷犬宜粱鴈宜麥魚宜菰

注會成也謂其味相成

凡君子之食恆放焉

注放猶依也

疾醫中士八人

疾醫掌養萬民之疾病四時皆有癘疾春時有瘡首疾夏時有痒疥疾秋時有瘡寒疾冬時有嗽上

氣疾

注

癘疾氣不和之疾病酸削也首疾頭痛也嗽欬也上氣逆喘也

以五味五穀五藥養其病

注

養猶治也病由氣勝負而生攻其贏養其不足者五味醯酒飴蜜薑

鹽之屬五穀麻黍稷麥豆也五藥草木蟲石穀也

以五氣五聲五色眡其死生

注

三者劇易之微見於外者五氣五藏所出氣也五聲音語宮商角

徵羽也五色面貌青赤黃白黑也察其盈虛休王吉凶可知

兩之以九竅之變參之以九藏之動

注

兩參之者以觀其死生之驗竅之變謂開閉非常藏之動

謂脉至與不至

凡民之有疾病者分而治之死終則各書其所以而入於醫師

注

少者曰死老者曰終所以謂治

之不愈之狀也醫師得以制其祿且爲後治之戒

瘍醫下士八人

注

瘍創癰也

瘍醫掌腫瘍潰瘍金瘍折瘍之祝藥劑殺之齊

注

祝當爲注讀如注病之注謂附著藥劑刮去膿

血殺謂以藥食其惡肉

凡療瘍以五毒攻之

注

止病曰療攻治也五毒五藥之有毒者

以五氣養之以五藥療之以五味節之

注

既刮殺而攻盡其宿肉乃養之也五氣當爲五穀字之

誤也節節成其藥之力

凡藥以酸養骨以辛養筋以鹹養脉以苦養氣以甘養肉以滑養竅

注

以類相養也

凡有瘍者受其藥焉

獸醫下士四人

注

獸牛馬之類

獸醫掌療獸病療獸瘍

注

畜獸之疾病及瘍療同醫

凡療獸病灌而行之以節之以動其氣觀其所發而養之

注

療畜獸必權行之者爲其病狀難知

灌以緩之且強其氣也節趨聚之節也氣謂脉氣既行之乃以脉視之以知所病

凡療獸瘍灌而副之以發其惡然後藥之養之食之

注

亦先攻之而後養之

凡獸之有病者有瘍者使療之死則計其數以進退之

漢

漢設太醫令丞統於太常而少府亦有太醫令丞

按漢書百官公卿表太常屬官有太醫令丞

少府屬官有太醫令丞

後漢

後漢設太醫令丞以統諸醫而隸於少府 按後漢書百官志少府太醫令一人六百石本注曰掌

諸醫藥丞方丞各一人本注曰藥丞主藥方丞主藥方

注漢官曰員醫二百九十三人員吏十九

人

晉

晉初以太醫隸宗正後改屬門下省 按晉書職官志宗正統皇族宗人圖牒又統太醫令史又有

司牧掾員及渡江哀帝省并太常太醫以給下省

宋

宋以太醫令隸侍中 按宋書百官志太醫令一人丞一人周官爲醫師秦爲太醫令至二漢屬少

府宋隸侍中

梁

梁置太醫令丞而隸於門下者 按隋書百官志梁門下省置侍中給事黃門侍郎各四人掌侍從左右擯相威儀盡規獻納糾正違闕監合御藥封璽書侍郎高功者加侍中祭酒與侍郎高功者一人對掌禁令公車太官太醫等令驂駟廐丞

北魏

道武帝天興三年置仙人博士官典煮鍊百藥 按魏書太祖本紀不載 按官氏志云云

孝文帝太和 年詔議官制定營藥監等階品 按魏書高祖本紀不載 按官氏志自太祖至

高祖初其內外百官屢有減置或事出當時不爲常目舊令亡失無所依據太和中高祖詔羣寮議定百官著於令營藥監從第五品下太醫博士從第七品下太醫太史助教第九品中

獻文帝皇興四年詔天下民有病所在官司量給醫藥 按魏書顯祖本紀皇興四年春三月丙戌詔曰朕思百姓病苦民多非命明發不寐疚心疾首是以廣集良醫遠採名藥欲以救護兆民可宣告天下民有病者所在官司遣醫就家診視所須藥物任醫量給之

北齊

北齊置尙藥局監仍隸於門下省 按隋書百官志後齊制官門下省尙藥局典御及丞各二人總知御藥事侍御師尙藥監各四人

北周

北周置太醫下大夫 按杜佑通典周官有醫師上士下士掌醫之政令後周有太醫下大夫

隋

隋設太醫署令丞統主藥醫師助教博士之屬皆隸於太常而尙食局尙藥局又有食醫侍御醫直長之屬隸門下省 按隋書百官志太常寺統太醫署置令二人丞一人有主藥二人醫師二百人藥園師二人醫博士二人助教二人按摩博士二人祝禁博士二人 門下省統城門尙食尙藥符璽御府殿內等六局尙食局典御二人直長四人食醫四人尙藥局典御二人侍御醫直長各四人醫師四十人 尙藥典御爲正五品御醫爲正七品上階尙藥直長爲正七品太醫署令爲從八品上階尙醫局丞爲正九品太醫署丞爲從九品上階

煬帝大業三年太常寺太醫署置醫監而以食醫尙藥等員屬殿內省 按隋書煬帝本紀不載

按百官志煬帝卽位多所改革三年定令分門下太僕二司取殿內監名以爲殿內省統尙食尙藥局各置奉御二人正五品皆置直長以貳之正七品尙食直長六人又有食醫員尙藥直長四人又有侍御醫司醫醫佐員太常寺太醫又置醫監五人正十人

唐

唐以待御尙醫及尙食局食醫尙藥局奉御等職屬殿中省而太常寺有太醫署以令丞統四博士教諸醫而考課之 按唐書百官志太常寺總郊社太樂鼓吹太醫太卜廩犧諸祠廟等署太醫署

令二人從七品下丞二人醫監四人並從八品下醫正八人從九品下令掌醫療之法其屬有四一曰醫師二曰針師三曰按摩師四曰呪禁師皆教以博士考試登用如國子監醫師醫正醫工療病書其全之多少爲考課歲給藥以防民疾凡陵寢廟皆儲以藥尙藥太常醫各一人受之宮人患坊有藥庫監門蒞出給醫師醫監醫正番別一人蒞坊凡課藥之州置採藥師一人京師以良田爲園庶人十六以上爲藥園生業成者爲師凡藥辨其所出擇其良者進焉

注

有府二人史四人主藥

八人藥童二十四人藥園師二人藥園生八人掌固四人醫師二十人醫工百人醫生四十人典

藥一人針工三十人針生二十人按摩工五十六人按摩生十五人咒禁師二人咒禁工八人咒禁生十人

醫博士一人正八品上助教一人從九品上掌教授諸生以本草甲乙脉經分而爲業一曰體療二曰瘡腫三曰少小四曰耳目口齒五曰角法 針博士一人從八品上助教一人針師十人並從

九品下掌教針生以經脉孔穴教如醫生 按摩博士一人按摩師四人並從九品下常教導引

之法以除疾損傷折跌者正之 咒禁博士一人從九品下掌教咒禁祓除爲厲者齋戒以受焉

殿中省其屬有六局曰尙食尙藥尙衣尙乘尙舍尙輦侍御尙醫二人正六品上尙食局食醫八人正九品下尙藥局奉御二人正五品下直長二人正七品上掌和御藥診視凡藥供御中書門下長官及諸衛上將軍各一人與監奉御蒞之藥成藥佐以上先嘗疏本方具歲月日蒞者署奏餌日奉御先嘗殿中監次之皇太子又次之然後進御太常每季閱送上藥而還其朽腐者左右羽林軍給藥飛騎萬騎病者頒焉

注

龍朔二年改尙藥局曰奉醫局有按摩師四人咒禁師四人書令史二

人書吏四人直官十人主藥十二人藥童三十人合口脂匠二人掌固四人

侍御醫四人從六品上掌供奉診候司醫五人正八品下醫佐十人正九品下掌療衆疾

注皆貞

觀中置

遼

遼設太醫局有使副使等員 按遼史百官志太祖神冊六年詔正班爵至於太宗兼制中國官分南北以國制治契丹以漢制待漢人國制簡朴漢制則沿名之風固存也

北面局官

太醫局使

太醫局副使

獸醫局有四局都林牙

宋

宋設太醫局仍統於太常置丞教授等職而殿中太府兩寺亦設尙醫等局醫官 按宋史職官志太常寺太醫局有丞有教授有九科醫生額三百人歲終則會其全失而定其賞罰

注太醫局熙

寧九年置以知制誥熊本提舉大理寺丞單驤管幹後詔勿隸太常寺置提舉一判局二判局選知醫事者爲之科置教授一選翰林醫官以下與上等學生及在外良醫爲之學生常以春試取合格者三百人爲額太學律學武學生諸營將士疾病輪往治之各給印紙書其狀歲終稽其功

緒爲三等第補之上等月給錢十五千毋過二十人中等十千毋過三十人下等五千毋過五十人失多者罰黜之授兵校錢物者論如監臨強乞取法三學生願與者聽受而禁邀求者又官制行隸太常禮部自政和以後隸醫學詳見選舉志

孝宗隆興元年省併醫官而罷局生續以虞允文請依舊存留醫學科遂舉附試省試別試所更不置局權令太常寺掌行紹熙二年復置太醫局局生以百員爲額餘並依未罷局前體例仍隸太常寺 殿中省總六局曰尙食掌膳羞之事曰尙藥掌和劑診候之事曰尙醢掌酒醴之事曰尙衣

掌衣服冠冕之事曰尙舍掌次舍幄帟之事曰尙輦掌輿輦之事

注尙藥有醫師

太府寺和劑局惠民局掌修合良藥出賣以濟民疾

太祖乾德元年冬閏十二月己酉朔校醫官黜其藝不精者二十二人 按宋史太祖本紀云云

太宗淳化三年詔良醫視京城疾病 按宋史太宗本紀淳化三年夏五月戊申詔太醫署良醫視

京城病者賜錢五十萬具藥中黃門一人按視之

真宗大中祥符二年夏五月壬寅詔醫官院處方并藥賜河北避疫邊民 按宋史真宗本紀云云

仁宗慶曆二年夏四月丙辰詔醫官毋得換右職 按宋史仁宗本紀云云

至和元年春三月辛未命曾公亮等同試入內醫官 按宋史仁宗本紀云云

至和二年秋九月戊辰詔試醫官須引醫本草以對每試十道以六通爲合格 按宋史仁宗本紀云云

英宗治平四年春二月戊子詔提舉醫官院試堪診御脉者 按宋史神宗本紀云云

神宗元豐五年夏六月甲子改翰林醫官院爲醫官局 按宋史神宗本紀云云 按選舉志醫學

初隸太常寺神宗時始置提舉判局官及教授一人學生三百人設三科以教之曰方脉科鍼科瘍科凡方脉以素問難經脉經爲大經以巢氏病源龍樹論千金翼方爲小經脉瘍科則去脉經而增三部鍼灸經常以春試三學生願與者聽

徽宗崇寧二年秋九月壬辰置醫學 按宋史徽宗本紀云云 按選舉志崇寧間改隸國子監置

博士正錄各四員分科教導糾行規矩立上舍四十人內舍六十外舍二十齋各置長諭一人其考試第一場問三經大義五道次場方脉試脉其運氣大義各二道鍼瘍試小經大義三道運氣大義

二道三場假令治病法三道中格高等爲尙藥局醫師以下職餘各以等補官爲本學博士正錄及外州醫學教授

高宗紹興 年復置醫學 按宋史高宗本紀不載 按選舉志紹興中復置醫學以醫師主之翰林局醫生并奏試人並試經義一十二道取六通爲合格

孝宗乾道三年罷太醫局而留醫學 按宋史孝宗本紀不載 按選舉志乾道三年罷太醫局而存御醫諸科後更不置局而存留醫學科令每舉附省闈別試所解發太常寺掌行其事

淳熙十五年秋九月癸卯更試補醫官法 按宋史孝宗本紀云云 按選舉志淳熙十五年命內外白身醫士經禮部先附銓闈試脉義一場三道取其二通者赴次年省試經義三場一十二道以五通爲合格五取其一補醫生俟再赴省試升補八通翰林醫學六通祇候其特補薦補並停

光宗紹熙二年秋七月乙丑復置太醫局 按宋史光宗本紀云云 按選舉志紹熙二年復置太醫局銓試依舊格其省試三場以第一場定去留墨義大義等題倣此

金

金制太醫院設提點使副使判官統諸太醫御藥院亦設提點有直長都監同監之屬而總隸於宣

徽院其惠民司令直長則隸於禮部按金史百官志太醫院提點正五品使從五品副使從六品

判官從八品掌諸醫藥總判院事管勾從九品隨科至十人設一員以術精者充如不至十人併至

十人置注不限資考

正奉上太醫注一百二十月升除

副奉上太醫注不算月日

長行太醫注不算月日

十科額五十人御藥院提點從五品直長正八品掌進御湯藥注明昌五年設以親信內侍

人充

都監正九品注不限員泰和令四員

同監從九品注不常除泰和令無右屬宣徽院

惠民司令從六品掌合發賣湯藥注舊又設丞一員大定三年有司言惠民歲入息錢不償官吏

俸上曰設此本欲濟民官非人怠於監視藥物財費何足計哉可減員而已

直長正八品都監正九品 右屬尙書禮部

元

元設太醫院領各屬醫職掌奉御醫藥事 按元史百官志太醫院秩正二品掌醫事製奉御藥物

領各屬醫職中統元年置宣差提點太醫院事給銀印二十年改爲尙醫監秩正四品二十二年復

爲太醫院給銀印置提點四員院使副使判官各二員大德五年陞正二品設官十六員十一年增

院使二員皇慶元年增院使二員二年增院使一員至治二年定置院使一十二員正二品同知二

員正三品僉院二員從三品同僉二員正四品院判二員正五品經歷二員從七品都事二員從七

品照磨兼承發架閣庫一員正八品令史八人譯史二人知印二人通事二人宣使七人 廣惠

司秩正三品掌修製御用回回藥物及和劑以療諸宿衛士及在京孤寒者至元七年始置提舉二

員十七年增置提舉一員延祐六年陞正二品七年仍正五品至治二年復爲正三品置卿四員少

卿丞各二員後定置司卿四員少卿二員司丞二員經歷知事照磨各一員 大都上都回回藥

博物院二秩從五品掌回回藥事至元二十九年始置至治二年撥隸廣惠司定置達魯花赤一員大
使二員副使一員 御藥院秩從五品掌受各路鄉貢諸蕃進獻珍貴藥品修造湯煎至元六年

始置達魯花赤一員從五品大使二員從五品副使三員正七品直長一員都監二員 御藥局

秩從五品掌兩都行篋藥餌至元十年始置大德九年分立行御藥局掌行篋藥物本局但掌上都
藥倉之事定置達魯花赤一員從五品局使二員從五品副使二員正七品 行御藥局秩從五

品達魯花赤一員大使二員副使三員品秩同上掌行篋藥餌大德九年始置 御香局秩從五

品提點一員司令一員掌修合御用諸香至大元年始置 大都惠民局秩從五品掌收官錢經

營出息市藥修劑以惠貧民中統二年始置受太醫院劄至元十四年定從六品秩二十一年陞從

五品 上都惠民司提點一員司令一員中統四年始置品秩並同上 醫學提舉司秩從五

品至元九年始置十三年罷十四年復置掌考校諸路醫生課義試驗太醫教官校勘名醫撰述文

字辨驗藥材訓誨太醫子弟領各處醫學提舉一員副提舉一員 官醫提舉司秩從五品掌醫

戶差役詞訟至元二十五年置 大都保定彰德東平四路設提舉同提舉副提舉各一員